

mens vero Duodécimus anno mil-
lésimo septingentésimo trigési-
mo séptimo, novis in dies ful-
géntem miraculis, in Sanctórum
album ritu solémni rétulit déci-
ma sexta Júnii die, quam ejús-
dem póstea celebrándæ festivi-
táti Benedictus Décimus quartus
assignávit.

B. Iste homo.

In iij. Nocturno Homilia in
Evang. Sint lumbi. de Communi
Conf. non Pont. j. loco. (120)

DIE XVIII. JUNII.

SS. Mart. Cyriaci et Paulæ, Virg.
Duplex.

Omnia de Comm. plur. Mart.
(60) præter sequentia.

Oratio.

PRÆSTA, quæsumus, omnípotens
Deus; ut familia tua, quæ
sanctórum Mártyrum tuórum
Cyriaci, et Paulæ triúmphis glo-
riátur, fiat in Christi tui amóre
fervéntior; et quos patrónos ve-
nerátur in terris, pios apud

te intercessóres habére mereá-
tur in cœlis. Per eúmdem Dómi-
num.

Et fit comm. SS. Marci et Mar-
celliani, Martyrum ut supra.
322.

In j. Nocturno Lectiones de
Scriptura occurrente.

In secundo Nocturno.

Lectio iv.

Quo tẽpore immánis illa Dio-
cletiáni, et Maximiani perse-
cutiónis rábies in Christi quæque
membra furens desæviit, tanta
mártyrum éxstitit laureáta mul-
títúdo, quo durávit decénio,
ut intra unum mensem decem
et septem míllia Christianórum
martyrii palmam sint consecúti.
Tunc Hispania nostra strénuis
Christi milítibus abúndat, fulget
Boetica Sanctórum confessióne
præclára, cárceres et ergástula
repléntur mártyrum turmis, tri-
bunália Christi confessiónem ré-
sonant, respuúntur idóla, sán-

guinem sacrum homines Deo digni vitæ prodigi fundunt. Aspiceres tunc Hispali Ruffinam et Justam cum Diogeniano pugnare : Cæsaraugustæ Encratidem nobilibus sociis stipatam crudeli Daciano cervices lætissime tradere: innumerabilium martyrum corpora illius jussu ibidem igne cremari : Valerium, aliosque sacros Antistites dira pati, et exulare : Tolæti Leocadium custodia detentam occumbere : Compluti tenellos Pastorem et Justum, tabellis litterariis in schola abjectis, sponte Dacianum adire, mortem oppetere, jugulumque carnifici exultantes offerre : Cordubæ Acisclum et Victoriâ fratres de Diône triumphare : Malacæ quoque Cyriacum et Paulam animas pro Christo libentissime dare : alios denique alibi dira supplicia, et mortem pati : quod longum nimis esset enarrare.

R. Sancti tui.

Lectio v.

PRÆCLARISSIMI ergo athletæ Christi Cyriacus et Paula virgo Malacæ pagano iudici sistuntur, cui suæ fidei rationem dant : pro qua etiam tuenda, innumera suppliciorum cruciamenta perpessi sunt. Et cum ab ea nullatenus dimoveri possent, impius iudex vitam illis adimere tentans, lapidibus impeti mandat. Martyres sacri læti properant ad pugnam, animosi lapides excipiunt, saxis sacra corpora tunduntur, lapidibus obruti occumbunt. Et inter ipsa crepitantia saxa animas cœlo reddiderunt circa trecentésimum salutis annum, décimo quarto Kalendas Júlîi. Sacro martyrum sanguine nobilis Malacitana civitas est purpurata ; quæ post sexcentos septuaginta annos a perfidis Mahumetanis possessa, in Christianorum ditionem rediit décima nona Augusti, anno Dómini mil-

lésimo quadringésimo octogésimo séptimo, Cathólicis Ferdinando et Elisabéthá regnántibus, qui ipsa die nobilíssimam capiéntes civitátem ovántes sunt ingrési.

R. Vérbera carníficum.

Lectio vj

CUM autem præfáti reges Mahuméti spurcítiam ab urbe Malaca expéllunt, lætántes pro parta victória grátias repéndunt Deo, ac Innocéntium Octávum, Petri cáthedram tunc moderántem, victóriæ adéptæ cónscium fáciunt. Quibus pro capta victória, fidéque ad domicílium antíquum restitúta, lætus Románus Póntifex rescribit, certos fáciens Cathólicos príncipes, Malacitánam urbem sanctórum Cyriaci et Paulæ martyriis sacrátam : quodque protomártyri Stéphano lapídibus óbruti fuérunt similes. Quare sacri mártýres in tuteláres et patrónos ab incolis sunt adsciti,

sacro illórum nómini templo structo. In quorum célebri festo clerus senátusque solémni et fréquenti cœtu ad sacram ipsórum ædem conveniéntes, sanctórum mártýrum pretiosíssimæ in conspéctu Dómini mortis memóriam festívis gáudiis quotánnis célebrant.

R. Tamquam aurum.

In tertio Nocturno.

Léctio sancti Evangélii secundum Lucam.

Lectio vij. Cap. 21. c

IN illo témpore : Dixit Jesus discípulis suis : Cum audiéritis prælia, et seditiónes, nolíte terréri : opórtet primum hæc fieri, sed nondum statim finis. Et réliqua.

Homília sancti Gregórii Papæ.

Hom. 35. in Evang.

DOMINUS ac Redémptor noster peritúri mundi præcurréntia mala denúntiat, ut eo minus pertúrbent veniéntia, quo fuérint

præscita. Minus enim jácula fé-
riunt quæ prævidéntur : et nos
tolerabilius mundi mala suscipi-
mus, si contra hæc per præscién-
tiæ clypeum munimur. Ecce enim
dicit : Cum audiéritis prælia, et
seditiões, nolite terréri : opór-
tet enim primum hæc fieri, sed
nondum statim finis. Pensánda
sunt verba Redemptóris nostri,
per quæ nos áliud intérius, áliud
extérius passúros esse denúnciat.
Bella quippe ad hostes pérti-
nent, seditiões ad cives. Ut ergo
nos índicet intérius exteriúsque
turbári, áliud nos fatétur ab
hóstibus, áliud a frátribus pér-
peti.

R. Propter testaméntum Dómi-
ni, et leges patérnas, Sancti Dei
perstitérunt in amóre fraterni-
tátis : * Quia unus fuit semper
spíritus in eis, et una fides. **V.**
Ecce quam bonum et quam jucún-
dum habitáre fratres in unum !
Quia.

Lectio viij.

SED his malis præveniéntibus,
quia non statim finis sequá-
tur, adjúngit : Surget gens con-
tra gentem, et regnum advérsus
regnum : et terræmótus magni
erunt per loca, et pestiléntiæ, et
fames, terrorésque de cœlo, et
signa magna erunt. Ultima tribu-
lácio multis tribulatióibus præ-
venítur : et per crebra mala, quæ
præveniunt, indicántur mala
perpétua, quæ subsequéntur. Et
ideo post bella et seditiões non
statim finis : quia multa debent
mala præcurrere, ut malum vá-
leant sine fine nuntiáre.

R. Sancti mei, qui in carne pó-
siti, certámen habuístis, * Mercé-
dem labóris ego reddam vobis.
V. Veníte, benedícti Patris mei,
percípite regnum. Mercédem.
Glória Patri. Mercédem.

Lectio ix.

SED cum tot signa perturbatió-
nis dicta sint opórtet ut eórum

58 Die xvij. Junii. SS. Cyriaci et Paulæ.

considerationem breviter per singula perstringamus : quia necesse est, ut alia e cœlo, alia e terra, alia ab elementis, alia ab hominibus patiamur. Ait enim : Surgent gens contra gentem, ecce perturbatio hominum : erunt terræmotus magni per loca, ecce respectus iræ desuper : erunt pestilentie, ecce inæqualitas corporum : erit fames, ecce sterilitas terræ : terrorisque de cœlo et tempestates, ecce inæqualitas aeris. Quia ergo omnia consummanda sunt, ante consummationem omnia perturbantur : et qui in cunctis deliquimus, in cunctis ferimur : ut impleatur quod dicitur : Et pugnabit pro eo orbis terrarum contra insensatos.

Te Deum laudamus. 63.

Imprimi potest.

Mechliniæ, die 25 Augusti 1891.

† PETRUS LAMBERTUS, CARD. GOOSSENS,
Archiepiscopus Mechlinien.

